



Synfocity = 731

mail us at : mzsynfo@gmail.com; mizoramsynod@gmail.com - Phone - 2314648

May 2, 2019

□ **Synod Ramthar Board Committee vawi 166-na**

May 1, 2019 (Nilaini) khan Synod Ramthar Board Committee Vawi 166-na chu Synod Office a J.M. Lloyd Hall-ah an thui a, Committee hi Rev. R. Lalhmingthanga, Synod Moderator-in a kaihruai a, Rev. C. Zoramawia, Secretary, Synod Mission Board-in report a pe.

Secretary report-ah hian ruahman lawk anga Field hrang hrang committee thawhkhathna tluang taka neih a nih thu te, Garhwal Mission (Delhi Mission Field huam chung) chu April 7, 2019 khan lak fel niin he Mission-ah hian member 177 (native worker 4) an awm thu leh Garhwal Mission hnuai St. James Academy-ah zirtirtu pek a nih thu te, kumin 2019 January atanga March thla chungin Field hrang hrang ringthar 2274 an awm belh thu te ngaihthlak a ni.

Kum 2018-19 Financial Year chungin budget hmuh beisei Rs. 94,56,35,000/- a ni a, sum hmuh zawng zawng hi Rs. 1,08,81,61,854/- niin budget khumna hi Rs. 14,25,26,854/- a ni. Nikum (2017-2018) sum hmuh khumna chu Rs. 18,09,23,582/- a ni.

Board committee thurel tura chhawpchuah zingah hian Mission Reserve Fund-a sum dah thu te, Arunachal East Field Headquarters sawna hmun(Jairampur) ngaihtuah nawn leh tura ngenna te, SMB hnuai permanent/pensionable post ruak hnawhkhah chungchang te leh thil pawimawh chi hrang hrang te ngaihtuah a ni.

□ **Synod Mission Board leh ram pawn chet velna chanchin tlangpui**

◆ April 29 - May 4, 2019 chung hian Home Mission South lam Mission School hrang hrangte tlawhin Pu T. Lalchuangliana, Supervisor of Schools a kal.

◆ April 27 & 28, 2019 khan Karbi Anglong Mission Field-ah ringthar 11 lai an awm a. April 28 Pathianni khan Hamren bial chungah Badong Kohhran Biak In chu inkhawm loh lain thlipuiin a tichhe vek a, inkhawmna tur nei lovin tunah hian an awm mek.

◆ April 28, 2019 khan Assam Mission Field-ah ringthar (puitling) 6 in baptisma an chang a. Baptist kohhran atangin chungkaw khat, member 4 awmna chu kan Kohhranah an rawn lut a, an fanu in baptisma a chang nghal bawk. Tin, Inkhawm hruaina bu - *Aradhonar haatputhi* Assamese (Assamese & Roman script) a inkhawm hruaina bu chu siampeih niin hralh chhuah mek a ni a, a hralhna man hian print belh zel tura ruahman a ni.

◆ April 28, 2019 khan Jharkhand Mission Field-ah ringthar 8 in baptisma an chang a. April thla chungin ringthar mi 38 in baptisma an chang a ni.

◆ April 28, 2019 khan Arunachal West Mission Field-ah mi 5 in baptisma an chang a. April 28 Pathianni hmang khan Bomdila Pastor Bial Inkhawmpui Vawi 18-na leh Thrizino Pastor Bial Inkhawmpui Vawi 11-na tluang taka neih a ni a. Bomdila Bialah hian riak lut palai 124 an awm a, Thrizino Bialah hian palai riak lut 121 an awm bawk.

◆ April 28, 2019 khan Delhi Branch KTP leh Delhi West Branch KTP ten Joint Service hlimawm tak an hmang a ni.

◆ Arunachal North Field:

April 22 - 24, 2019 chung khan Field Orientation Training, Jonai-ah an nei a. Hetah hian Interfield Transfer avanga thawktu thar 5 leh SMB Missionary (Contract) lak thar mi 8 an tel.

April 25 - 27, 2019 chung khan Jubilee Model High School, Jonai-ah zirlaite tan Gospel Week hman a ni a. Zirlai naupang mi 50 chuang zetin, Lal Isua ringa zui turin an inpe.

April 28, 2019 khan mi 8 (Puitling 5 leh naupang 3) ten baptisma an chang a. April thla chungin Arunachal Mission Field-ah ringthar baptisma chang mi 18 an awm a ni.

◆ April 30, 2019 khan Jharkhand Mission Field-a Purnea Biak In chu Jugia Bialtu Pastor C. Thangromawia'n a hawng a. Biak In hi Champhai vengsang Kohhran in an sak sak a ni.

◆ April 18, 2019 khan Bomdila Pastor Bial, Nafra Biak In thar hawn a ni a, Biak In hi Zarkawt Kohhran sak sak a ni.

□ **Education**

May 2, 2019 (Ningani) hian Presbyterian English School hrang hrang - Saitual, Keifang, Mualpheng, Ruallung leh Rulchawm te tlawhin Rev. K. Lalrinmawia, Executive Secretary leh Pu P.C Vanlalhruaia, Supervisor te an kal.

- **MSSU**
 May 4, 2019 (Inrinni) hian Chanmari West Hmar Vengah Sunday School Zirtirtute training neihpui turin Pu John Lalhruiatuanga, MSSU Asst. Coordinator leh Upa B. Lalhmunliana, MSSU trainer te an kal ang a, zan inkhawmah Pu John Lalhruiatuanga'n Fanau enkawl chungchang thuchah a sawi ang.
- **Synod Social Front**
 ♦ May 4 & 5, 2019 hian Lallen Bial KṚP hmalaknain HIV/AIDS Awareness Campaign neih a ni dawn a, Pu Alan Lalmuanpuia leh Pu Robert Lalrempuia te an kal ang.
 ♦ May 4 & 5, 2019 hian Saitual Kohhranah Synod Social Front rawngbawlina Awareness Campaign nei turin Pu R. Lalnunluanga, Coordinator leh Upa H. Ngurthansanga te an kal ang.
- **KṚP**
 ♦ May 3 - 5, 2019 chung hian India ram Presbyterian Kohhran hnuai a ṭhalai pawl, Presbyterian Youth Fellowship chu Mawkhar Kohhran, Shillong-ah Biennial Conference an hmang dawn a, hetah hian Mizoram aṭang pawhin palai mi za vel an kal ang.
 PYF Biennial Conference-ah hian KṚP ten palai 100 an tir thei a. Central KṚP Committee Member te, zaipawl zai tura kal bakah mi 100 a daih lohna zawng hi Bial KṚP te aṭangin a inchhawkin palai tur ruat a ni ṭhin. Tun ṭumah hian Mizoram aṭangin Chaltlang Pastor Bial Zaipawl te an zai ang.
 ♦ Presbyterian Church in Myanmar, Phai Synod-a ṭhalai pawl, Presbyterian Youth Joint Committee (PYJC) chuan May 3 - 5, 2019 chung hian Khampat, Myanmar-ah Triennial Conference an hmang dawn a. Triennial Conference hmanpui tur hian Central KṚP OB pathum leh Synod Choir te an kal. Mizoram KṚP leh Myanmar PYJC te hian thawhhona ṭha tak an nei a. Kristian ṭhalai chanchinbu copy 150 lai Myanmar-ah hian thla tin thawn a ni a. Kum 2018 KṚP General Conference, West Phailenga neihah khan PYJC hian palai pahnih an rawn tir bawk.
- **Synfo**
 ♦ Hruaina Eng channel pawh thum ṭhat niin Programme hmuhdawm tak tak chhuah ṭhin a ni a, LPS 123 Channel-ah leh Zonet 12 -ah te engtiklai pawhin thlir theih a ni.
 ♦ Hruaina Eng TV Programme Susamachar Prasaran programme Pathianni tlai dar 5 -ah Zonet Zawlbuk-ah leh LPS-1 - ah tihchhuah ṭhin a ni a, thlirtuten min lo thlirsak vek turin kan sawm a che u.
 ♦ Synfo Recording Studio-ah Video leh Voice recording a tih theih a, kohhran hote hmang duh kan awm chuan Synfo Coordinator hnenah dil theih a ni a, hei bakah hian Office Phone no. 2314648-ah pawh biak theih a ni e.
- **FG&CC**
 May 4, 2019 (Inrinni) hian Mamitah FG&CC Centre thar hawnna neih a ni dawn, Rev. R. Lalhmingthanga, Moderator, Rev. B. Sangthanga, Executive Secretary, Rev. Lalsangbera, Director leh FG&CC Committee member mi 5 te an kal ang a, May 5 (Pathianni) hian Kohhran hrang hrangah Centre Awareness Campaign neiin hun an hmang nghal ang.
- **Campus Ministry**
 May 2, 2019 (Ningani) hian Sihphir Venghlon High School-ah Prevention of Substance Abuse programme an hmang a. Tv. Lalhmunzauva Tlau, Counsellor-in power point presentation hmangin zirtirna a pe a, May 6 (Thawhṭanni)-ah Govt. Pianghleia High School-ah hun an hmang leh ang.
- **Synod Relief Fund**
 Tun hnaia harsatna hrang hrang neite hnenah Synod Relief Fund aṭangin chhawmdawlina hetiang hian pek an ni.
- | S.No | Khua | Pek chhan | Chhungkaw zat | Chhawmdawlina pek zat |
|------|---------------|----------------|---------------|-----------------------|
| 1. | Kulikawn East | Leimin tuar | 2 | Rs. 10,000/- |
| 2. | Kulikawn East | Vanduaina tawk | 1 | Rs. 10,000/- |
| | | | TOTAL | Rs. 20,000/- |
- **Hruaina Eng FM Radio**
 ♦ **MAY 3, 2019 (FM Zoawi Aizawl @ 7:30 p.m.):**
Solo : C. Lalrindiki - Mamawh chhanna
Thusawi : Rev Dr C.Chawngmingliana - Hlawhtlinna thuruk
Zaipawl : Bawngkawn Pastor Bial Zaipawl - Ka tlantu khawiah nge a awm
Kohhran Rawngbawlina hrang hrang
 ♦ **MAY 3, 2019 (FM Zoawi Lunglei @ 7:30 p.m.):**
Solo : Emily Vanlaltluangi - A va hlu em
Thusawi : Rev. Dr C.Chawngmingliana - Hlawhtlinna thuruk
Zaipawl : Lunglei Venglai Bial Zaipawl - Chhandamtu hnenah
Kohhran Rawngbawlina hrang hrang

□ **Hruaina Eng TV Programme**

Susamachar Prasaran Programme

♦ **MAY 5, 2019 (Pathianni) 5:00 pm. :**

Group/Choir/Solo : Chhinga Veng Bial Masihi Sangati Zaipawl - Bharat

Group/Choir/Solo : Koilamati Pastorate Choir - Ili sangjoi

Testimony : Mr. Ghana Handiqoi

Group/Choir/Solo : Durtlang Kohhran Masihi Sangati - Sabalai

Group/Choir/Solo : Hmingtea Tochhawng - Chhoti chhoti

♦ **MAY 5, 2019 (Tv Programme) @ 4:00 - 6:00, 8:00 - 9:00 p.m) :**

PBS Farewell & Dedication Service

Weekly Round Up

KTP Kumpulan Film 2019

□ **Moderator leh Executive Secretary-te Programme:**

Rev. R. Lalhmingthanga : Moderator

May 4 & 5, 2019 hian Mamit-ah FG&CC Centre thar hawngin a kal ang a, May 5(Pathianni)-ah Campaign-in hun a hmanghal ang.

Rev. Lianhmingthanga Sailo : Senior Executive Secretary

May 3 - 5, 2019 chhung hian E. Lungdar kohhran tlawhin a kal ang.

May 7, 2019 ah Pay Anamoly Committee-ah a thu ang.

May 8, 2019 ah Synod Pastoral Committee-ah a thu ang.

May 11 & 12, 2019 ah Pastor Induction Service turin Bilkhawthlir Hmarvengah a kal ang.

Rev. B. Sangthanga : Executive Secretary

May 4 & 5, 2019 hian Mamit-ah FG&CC hawna hmanpuiin a kal ang a, May 5(Pathianni)-ah Campaign-in hun a hmanghal ang.

May 6, 2019 chawhnu lamah Hospital BEC-ah a thu ang.

May 7, 2019 ah Pay Anamoly Committee-ah a thu ang.

May 8, 2019 ah Synod Pastoral Committee-ah a thu ang.

May 9, 2019 ah Women Centre Committee-ah a thu ang.

May 10, 2019 ah PRESCOM Board meeting-ah a thu ang.

May 10 - 12, 2019 chhungin Pastor Induction Service turin Farkawn-ah a kal ang.

Rev. K. Lalrinmawia : Executive Secretary

May 6, 2019 ah Synod Prison Committee meeting-ah a thu ang.

May 7, 2019 ah Synod Mission Board BEC meeting-ah a thu ang.

May 12, 2019 ah Pastor Induction Service turin Sesawng-ah a kal ang.

HNA RUAK DIL THEIH

Mizoram Presbyterian Kohhran, Synod Office-a thawk turin a hnuai a hna tarkan hi lak a ni dawn a, kum 18-35 inkar, ni 29.5.2019-a kum 18 pum, kum 35 la pumhlum lo tan dil theih a ni. Zuk leh hmuama fihlim tan dil theih a ni. Computer thiam duhsak theih a ni ang. Hna dilna Form hi Dt. 24.4.2019 atangin Synod Office-ah a lakchhuah theih a. Hna dilna Form-ah hriat tur pawimawh tihlan a ni.

Hna hming : Assistant Coordinator (Regular)

Post zat : 3 (pathum)

Thiamna : Graduate of any recognised University

Hlawh : Synod Pay Matrix Level - 8 step 1 Rs. 19,300/-

Dil theih hun chung : Dt. 20.5.2019 (Thawhtanni), 5:00pm thleng

Screening test / exam : Dt. 22.5.2019 (Nilaini), 10:30am

Interview : Dt. 28.5.2019 (Thawhlelni), 10:30am

Sd/-

(Rev. Lianhmingthanga Sailo)
Secretary, Synod Service Board